

Колхозин механизатормуд сәянәр көдлджәнә

СССР-н Деед Советин, 1958 джилин мартин 31-д батлсн „Колхозн тосхлтин цаарандк делгрлтин болн машинтракторн станцсин бүрдәмджиг оньгдаруллгъна туск“ Заканас иштәгъяр Приютненск района „Дружба“ колхоз МТС-әс „ДТ-54“ марка 16 трактор, 9 „Беларусь“, „С-80,“ „Универсал“ марка 4 трактор болн селәнә эдл-ахун талдан чигн кесг машид—ут-туршдан 1 сай 500 миньгън арслнъ мөнъгнә техник хулддж авла. Энүнлә залгълддж 56 тракторист, 6 комбайнер, 4 бригадир, 4 бригадирин нөкдр болн нег механик МТС-с колхозд орцхав.

Колхозд орсн механизатормудас комплексн бригадс бүрдәгдв. Тедн цугъар шунлтта кевәр көдлдж йовцхана.

Колхозин механизатормуд хаврин тәрә, тер дотр эрднишишә тәрлгънә көдлмшт шунмгъагъяр орлцдж, хоорндан

социалистическ дөрлдә бргәр кедж, хаврин тәрә тәрлгънә цагиг оньгрулл уга, агротехническ өбдм кемджәнд төгскәдж, тәрси тәрәнәсн ик ургъц авхин төлә ноолдджацхана.

„Дружба“ колхоз сәялин укр болгънд 10 тонн силос, хошад тонн өвс, хөн болгънд хошад центнер силос, хошад центнер өвс белддж авхин кергт эртәснъ сән белдвр кев. Өвс хадх цуг машиднъ, 7 мааджур, өвс чирдж ковнъглдг 6 машин, өвс овалдг 2 машин болн талдан чигн зер-зев цугтан белн болчксн бәәнә.

Механизатормуд тәрә-темсән тәрәд дуусн бийәрн, өвс хадлгънд болн силос буллгънд шунмгъагъяр орлцдж, олна малд үвлин туршарт элвгәр кұрм хот белддж авхар гүджджәнә.

А. МАТВЕЕВ.